

مختصر دماء النساء



امام برکونیک ذخرا المتأهلین نام رساله سندن وسائرہ دن
ترجمہ ایڈلش حیض و نفاس و جنب و غسل
حقنہ قادیئرہ پک لزوملی بر رساله در .



محرری

عبداه ادیب عینتابی

استانبول : « صدای ملت » مطبعہ سی

۱۳۲۷

بِسْمِ اللّٰهِ الرَّحْمٰنِ الرَّحِیْمِ

هر ارکک و قادینه علم حال فرض عیندر . فرض عین دیمک بر شخصک بیلمسیله آخردن ساقط اولمز . بیلمیانک جمله سی کناهکار اولور . دیمکدر . حال انسانه عارض و حاصل اولان امردر . مثلاً زکاة و حج مسائلی او کر نمک غنیلره فرضدر . بر فقیره غنا عارض اولسه اکاده بو علملر فرض اولور . حیض و نفاس مسئله لرینی او کر نمک قادینلره فرض اولوب ترکیله کناهکار اولدقلری کبی انا و بابالری و قوجه لری انلری تعلیم ایتدکاری و یا تعلم ایچون بر عالمه کیتمکدن منع ایتدکاری مسورتده . کناهده اشتراک ایدرلر .

بر زماندنبرو حیض و نفاس بختلری متروک و مهجور و ساحه تعلیم و تعلمدن دور اوله رق شریعت منسوخته حکمی آلمش قادینلر شویله طورسون بختک صعوبتی مراجعتک قلتندن علما دخی بو بختی تحقیقده عاجز قالمشدردر . قادینلر قان کلا دکده حیض کوردم کسلدکده

قور تولدم. ظن ایدر لر قوجه لری ایسه بوه سائلی او کر نمک و او کر تمکی
عیب کبی عد ایدوب قادی نلر بیلور اعتقادنده بولنور لر.

قادی نلر عجباً کیمدن او کر نمش لر در والده لر نندن دیسه ک انلرک دخی
بیلدکاری قانک اقمسی و کسلمه سی در بر عالمه سنه ده بر دفعه بوکا دائر
مسئله سؤال ایدن آز بولنور خصوصیه قادی نلره حجاب مانع اولور
تحقیقی عقول علمایه حیرت و یرن مسائل حیضی نماز احکامی لایقیله
بیله میان قادی نلر عجباً کیمدن بلله مشلر در دیه لده نسامزه و قزلریمزه
بورادن بحث ایتمکدن حجاب ایدلم .

صوم. صلاة. قرائت. اعتکاف. حج. بلوغ. وطی. طلاق. عدت.
کبی احکام جلیله شرعیه نك توقف ایتدیکی مسائل حیضی نصل
قادی نلرک رأینه براقلم . . نسایه مخصوص اولان قانک انواعی امام
برکوی ذخرا المتأهلین نام رساله سنده و شارح لری لایقیله بیان ایتمش
ایسه لرده عربی العبارة اولقوله قادی نلر انتفاع ایدمه مدیکندن
وترکی رساله لرده بیان اولنان مسائل درجه کفایه ده اولمدیغندن حیض
ونفاس. جنب و غسل مسئله لرینی رساله مذکوره و کتب سائر دن اخذ
ولسان ترکی اوزره جمع ایدوب هدیة النساء فی احکام الدماً نامیله تسمیه
ایتمش ایدم مؤخرآ آنک کثیر وضبطی عسیر اولدیغنی اکلا دیغمندن اختصار
ایدمرک مختصر احکام الدماً اسمیله توسیم ایلدم و من الله التوفیق رساله
التي بابی حاویدر. باب اول حیض و طهره متعلق در یدی فصلی حاویدر.

برنجی فصل حیض و دم حیض و دم استحاضه نك ماهیتلری باینده در

حیض بالغه یا خود بالغه حکمنده اولان و حامل اولیان قادینك علتسز اولان رحمندن کلوب نصاب معینده فرج داخلدن فرج خارجه ظهور ایدن قاندر. دم حیضه دم صحیحده دینور. فرج داخل مدور فرج خارج مطولدر. حیض نصابنك اقلی اوچ کون اوچ کیجه درکه یتمش ایکی ساعتدر اکثری اون کون اون کیجه درکه ایکیوز قرق ساعتدر.

قان حیض نصابی تماماً استیعاب ایتك لازم دکلدر. حیض نصابنك اولنده و آخرنده بولنوب ارالقده کسلمش اولسه ینه حیض ثابت اولور اقل مدت حیض اولان اوچکون اوچ کیجه نك بر ساعت ابتدا سنده بر ساعت نهایتنده آقسده آره لقهده کلسه آقش کی در. مثلا بازار کونی کونش طوغر کن بر قادیندن قان کلیه باشلیوب چهارشنبه کونی کونش طوغنجه یه قدر جریان ایله بعده کلسه حیض صایلدینی مثللو بازار کونی کونش طوغر کن بر ساعت قان کلسه بعده چهارشنبه کونی طلوع شمس بر ساعت قلانه قدر کسلیوب شمس طلوع ایددجک زمان قان کلسه صکره کلسه بیله حیض صاییلور. آره لقهده یتمش ساعتدن زیاده کلسمی ایشه یاراماز کلمش حکمنده در. کذلک مدت حیضك اکثریسی اولان اون کون اون کیجه ده دخی تماماً آقق لازم کلماز بر آز اولنده بر آزده آخرنده قان بولنورسه تمامی حیض صاییلور

آره لقدمه ایستر آقسون ایستر آقسون . مثلاً بر کون کلوب سگیز
 کون کلمسه بعده بر کون کلمسه اون کون تماماً حیضدر .
 كذلك بر ساعت قان کلاکدن صکره طقوز کون کلیوب بعده کلمسه او
 کونلرک تمامی حیض صاییلور .

قان اوچ کون اوچ کیجه دن بر ساعت اسک اواسه حیض صاییلماز .
 دم استحضاهدر . مثلاً بازار کونی کونش طوغار کن قان کلوب چهارشنبه
 کوننک طلوع شمسندن بر ساعت اول کسیلوب اون بش کونه قدر
 کلمسه او قان حیض صاییلماز استحضاهدر .

قان اون کوندن زیاده جریان ایتسه زیاده استحضاهدر اوچ کوندن
 ناقص اولان یا خود حیضده اون کونی صاویشان دم استحضاهیه دم فاسده
 دیرتر . ذات حیض اولان کرک مبتدئه کرک معتاده قادیندن جماع ایتدیکی
 وقتلرده هیچ قان کلیوب هر نه زمان جماع ایدرسه عقیده بر مقدار قان
 کلمسه همان کلمسه دم استحضاهدر . الحاصل اوچ کوندن ناقص
 اولیان و اون کونی صاویشمان قان حیضدر . اقل و اکثر اولورسه
 استحضاهدر . اما حامل اولان قاپن آغز برشی قالدیرمق ایله قان کورسه
 بر قاچ ماه دوام دخی ایتسه چوجنگ اکثری ظهور ایتدکجه نمازینی
 قیلار و اوروجنی طوتار . او قان حیض دکل استحضاهدر چونکه حمل
 حیضه ماندر .

طقوز یاشنده اولان قادین بالغه حکمندهدر طقوز یاشنده
 اولمایان قادیندن کلن قان استحضاهدر . حائض قادیندن کلن قان قرمز
 صاری . بوز . یشیل . سیاه . هر نه رنگده اولورسه مدت حیضده
 اولدکجه حیضدر انجق خالص بیاض اولورسه حیض دکل طهردر .

آیسه یعنی الی بش یاشنی صاویشان قادیندن کان قان خالص بیاض
 ایسه طهردر سیاه یاخود قرمزی ایسه حیضدر بشقه رنگده ایسه
 استحاضه در . بورنکارده معتبر اولان قانک تازه لیکی وقتیدر . بر
 مدت صکره یاخود قورودقدنصکره اولان رنگره اعتبار یوقدر مثلاً
 بر قادین بیاض قان کورسه او قان قورودقدنصکره صاری ایسه ینه
 بیاض حکمنده در طهردر . یاخود صاری قان کورسه قورودقدنصکره
 بیاض اولسه ینه صاری حکمنده در دم حیضدر .

باکره قادین حیض وقتلرنده ثیبه قادین هربر وقتده پاموق طوتنق
 سنتدر او پاموغه کافک وسنیک ضمیله کرسف دیرلر . باکره قادین
 کرسفی موضع بکارتیه ملاصق قور . ثیبه موضع بکارتیه قور . فرج
 داخله تماماً ادخالی مکروه در دم حیضک رایحه سفی تقلیل ایچون
 کرسفی کوزل قوقو ایله تطایب مستحیدر . قان فرج خارجه یاخود
 فرج داخلک فرج خارجه محاذی طرفنه چیقمدقیجه حیض ثابت اوله مز .
 بر قادین قانک نزولنی اکلیوب ظهورندن اول کرسف استعمالیه منع
 اینسه قان فرج داخلده اولدقیجه حائض اولمز .

صاعه بر قادین غروب شمسدن اول قانک رحمدن کرسفه نزولنی
 اکله اما فرج خارجه ظهور ایتمسه غروبندن صکره کرسفی چیقارسه
 اوکونک صومنی قضا لازم کلز . قان فرج خارجه خروچندن صکره
 منع اینسه حیضدن قورتیله مز . اما مستحاضه وصاحب عذر عذرلرینی
 منع اینسه لر عذرذن قورتیلورلر . مثلاً قان الدیرن کیمسه او محلی بغلسه
 صاحب عذر اولمز .

حائض اولمیان بر قادین صباحدن قالقوب کرسف اوزره بیاض اولمیان قان کورسه قانی کوردیکی وقتدن اعتباراً حیض ثابت اولور. چونکه بر امر حادث اقرب اوقاتنه مضاف اولوق اصلدندر بیاض قان طهر حکمنده در. حائض اولان بر قادین یاتسودن اولجه کرسف استعمالیه صباحلین کرسف اوزره بیاض قان کورسه کرسفی وضع ایتدیکی وقتدن اعتباراً حیضدن قورتلش صاییلور. یاتسو نمازینی قضا لازم کلور. چوجوق طوغوردقدنصکره قادیندن کلن قان حیض دکدر نفاسدر. باب ثانیده کلور چونکه اوقان رحمده اولان علتدن نشئت ایتشددر. آنک ایچون نفسا قادین مریضه حکمنده در وصیت ایتسه ثلثدن معتبردر اما حیض قاننک وجودی علامت صحت عدی مقتضای علتدر.



ایکینجی فصل طهر واقسامی واحکامی بیاننده در.

حیضی بیلیمک لازم اولدینی کبی طهری دخی بیلیمک لازمدر. قانک اولماسنه طهر دیرلر. اون بش کون یاخود دها زیاده علی الدوام قان کلمازسه طهر تام دیرلر. اون بش کوندن اقل قان کلمازسه طهر ناقص و طهر فاسد دیرلر.

طهر تام ایکی قسمدر طهر تام حقیقه و یا حکماً ایکی دم صحیح آراسنده اولورسه یعنی اون بش کون علی الدوام یاخود دها زیاده قان کلمازسه و ایکی دم صحیح یعنی ایکی حیض آراسنده

اولورسه او طهر تامه طهر صحیح دیرلر . اون بش کون قان کلورده ایکی دم صحیح آراسنده اولمزه او طهر تامه ده طهر فاسد دیرلر . دیمک که طهر صحیح اقلی اون بش کوندر اکثری ایچون حدیوقدر آنجق قان دوام ایدرده هیچ کسلمزه طهر ایچون برمدت تعیین اولنور طهر صحیح دن اول و صکره کلن قان حقیقه ویا حکماً دم صحیح اولق لازم در . مثلاً برقادین اوچ کون قان کوروب اون بش کون کلسه بعده اوچکون قان کورسه طرفلری حقیقه دم صحیح یعنی حیض اولان طهر صحیح کورمشدر . یاخود حیض عادتق سکنز کون اولان قادین عادتق زماننده اون بزکون قان بعده اون بش کون طهر بعده اوچ کون قان کورسه عادتنه زاندا اولان اوچ کون استحضاه قانی دم فاسد اولوب عادتق معتبر یعنی حیض ودم صحیح سکنز کون ایسه ده زاندا اولان اوچکونده کی اودم فاسد دم صحیحه متصل اولدیغندن او طهر صحیح اولی حکماً دم صحیح آخری حقیقه دم صحیح اولان طهر صحیح اولور .

طهر تام ایکی دم آره سنی فصل ایدر یعنی ابتدا سسنده و صوکنده اولان قانلر بربرینه انضمام ایتماز . و او طهر دم حکمنده اولمز . مثلاً برقادین برکون قان اون بش کون طهر بعده یالکنز ایکی کون قان کورسه آره لقدم اولان طهر . طهر تام اولدیغندن قانلرک آره سنی فاصل اولوب او ایکی قانلرک بری آخرايله حسابده اولماز . آروجه آروجه قانک حکمنه باقیلور . او قانلردن هربری مدت حیضدن ناقص اولدیغندن هر ایکسیده استحضاه صاییلور . طهر تام طرفلری حیض اولدیغنی مثللو استحضاه اولور . مثال سابقلرکی برطرفی حیض برطرفی استحضاه ده

اولور. مثلا متبده برکون قان کوردکن صکره اون بش کون کسلسه
بعده اوچ کون قان کورسه اولکی برکون استحضه در. یاخود اوچکون
حیض کوروب اون بش کون کسیدکن صکره برکون قان کوروب
اون بش کون کسلسه ایکنجی قان استحضه در .

طهر ناقص ایکی دم آره سنی فصل ایتماز کندودن اول و آخر کلان،
قانلر بربرینه ضم اولنور . مثلا متبده یعنی یکیلله حیض کورن قادین
برکون قان اون درت کون طهردن صکره ایکی کون دها قان کورسه
طهر ناقص اولدیغندن ایکی قان بربرینه متصل کی اولوب قان کوردیکی
برکوندن اعتباراً اون کون حیض اولوب فضله سی استحضه اولور .

طهر ناقص حیض نصابی اولان اون کون ایچنده واقع اولورسه
تمامی قان حکمنده اولور مثلا برقادین برکون قان سکیز کون طهربعده
برکون قان کورسه اوسکیز کون قان حکمنده اولوب اون کون حیضدر.
بعده برکون قان کورمک آندن صکره طهر صحیح وقوعیله معلوم
اولور . یاخود اوچ کون قان آلتی کون طهر بعده برکون قان کورسه
ینه اون کون حیضدر . یاخود برکون قان اوچ کون طهر بعده بر
کون قان بعده اوچ کون طهر بعده ایکی کون قان کورسه ینه اون کون
حیض صابیلور چونکه بوضورتلرده قان نصاب حیضی کچمامشدر .

اما طهر ناقص حیض نصابی کچرسه نصاب مقداری حیض
فضله سی استحضه اولور . مثلا برقادین برکون قان یدی کون طهر
بش کون ینه قان کورسه او بش کونک ایکیسی حیض اوچی استحضه در.
برقادینک عادتندن اول قان کسلمش صکره عادتنده یاخود اون
کون کچمیه رک عادتندن زیاده قان کلسه آراقده اولان طهر حیضدر .

اما قان اونی کونی کچرسه اون کوندنصره اولان قان استحضه دره .
 مثلاً برقادین سکز کون قان کوروب اون کون کسلد کدنصره بر کون
 ینه قان کورسه او قادینک عادتی وارایسه عادتندن زیاده سی استحضه در
 مثلاً عادتی بدی کون ایتمش بدی کونک ماعداسی استحضه اولور هنوز
 یکیله حیض کورمش ایسه قان کوردیکی سکز کون ایله طهرک ایکی
 کونی جمماً اون کون حیض فضله سی استحضه اولور . کذلک بر
 قادین اون کون حیض کوروب بعده اون بر کون کسلسه صکره اوچ
 کون کلسه ایکنجی قان استحضه در چونکه حیض دینلسه طهر ناقص
 قان حکمنده اولدیفندن ایکی حیض توالی ایتمش اولور بوده جائز دکلدر .
 طهر ناقص قان حکمنده ایسه ده نماز و اوروجه مانع دکلدر چونکه
 بتون کسبلوب طهر صحیح اولمق احتمالی واردر مثلاً . بر قادینک عادتی
 بر کون قان بر کون طهر اولمق اوزره اون کون اولسه برنجی کون
 قان کورسه نماز قیلماز ایکنجی کون آبدست ایله قیلار . اوچنجی کون
 قیلماز دردنجی کون غسل ایله قیلار . بو اون کون حیض اولوب
 یوم انقطاعی دخی قان حکمنده اولدینی عادتندن آکلاشیلور ایسه ده
 نماز ایله امر احتیاطه مبنیدر . اما متبده یه قان کسلدیکی کون صلاة
 ایله امر وجوب اوزره دره .



اوجنچى فصل عدتك بيانده در.

عدته حكمت رحك برائتيله نسيك موفه سيدر .

مطلقه قادين حيز كورور ايسه عدتى اوج حيز در. امام اعظم
حضرتلرينه كوره حيز ايله طهر ك ايكيسنكده اقلي آلتنه ماز . بلكه
برينك اقل مدتى ديكرينك ا كثرى آلتور . طهر ك ا كثرى اچون
بر حدمين اولديغندن حيزك ا كثرى . طهر ك اقلي آلتور. آنكچون
برقادين ايكي آيده اوج حيز كوردم ديرسه يميني ايله تصديق اولتور .
چونكه تطليق عقيبنده حيز كوره بيلور اون كون حيز .
اون بش كون طهر صكره اونكون حيز اولان بش كون طهر
صكره ينه اون كون حيز كورمش اولوركه جمعا آلتمش
كونده اوج حيز تمام اولور آلتمش كوندن اقايله تصديق ا نماز .
كيردن يعنى اللى بش ياشنه وارماسندن طولايى حيزى كسيلمش اولان
قادينك عدتى اوج آيدر . بوقاينه ايسه ديرلر . ايسه قادين شهر ايله
عدتى تمام اولقسزين حيز كورسه حيز ايله عدت لازمكلور .
صغرندن يعنى طقوز ياشنه وارمادىغندن اصلا حيز كورمامش ايسه
ينه عدتى اوج آيدر .

زوجى وفات ايدن قادينك عدتى درت آى اونكون بلكه مكدور .
كرك مطلقه كرك زوجى وفات ايدن قادين حامل يعنى كبه ايسه عدتى
حاملنى وضع اتمكله در . حامل اولميان مطلقه قادينك عدتى اوج حيز
باخود اوج آى اولوب زوجى وفات ايدوب حامل اولميان قادينك

عدتی درت آی اون کون اولمسندہ حکمت شو اوله بیلور که رحم مادرده اولان چوجنه اوچ آی تمامنده فی الجمله یعنی بعض اعضا رینه روح نفخ اولنوب درت آی تمامنده نفخ روح اکال ایدیلور . بر شخصک رحم مادرده قرق کون نطفه یعنی منی قرق کون علقه یعنی او یوشمش قان . قرق کون مضعه . یعنی ات پاره سنه تحول ایله بده روحک نفخ اولمنسی مشعر حدیث شریف اکال نفخ روحه محمولدر . زوجی وفات ایدن قادیسک برائت رحمی اوچ حیض . یاخود اوچاه ایله فی الجمله معلوم اوله بیلور سهده احتیاطاً اونکون دها علاوه سیله عدتک درت آی اونکون اولسی . برائت رحمک بیلمنسیله برابر متوفانک حقوقنه رعایت واقرباسنه تسلیت در .

اما تطبیق زوج طرفندن ایقاع ایدیلوب اوچ حیض یاخود اوچ ماه سرور یله حق رجعتی ده اسقاط ایلسی . رحمک فی الجمله برائتی ایله اکتفا و او قادیسک زوجسز پریشان اولقدن محافظه سنه اعتنایی ایجاب ایتمکله . هر ایکی خصوصده حکم شریعت عین عدالتدر . متوفاده اکثریتله قبل الوفات بولنان ضعف سببیه آندن حاصل اولان چوجنک تکامل اعضا و نفخ روحی تأخر ایتمسی عدت بعیده نک اکا تخصیصنه بوجهده اعتبار اولنه بیلور .

(غریبه) عدت امر قدیمدر بروقت جاهلیتده برقادین قوجهسی وفات ایتدکه بابایی یاخود اقرباسی یانسه اولاشمقسزین قوجه سنک عصبه سندن بریسی کلوب اوزرینه یاخود بولندیفی چادر اوزرینه برثوب القا ایدرده بن بوکا وات اولدم دیرسه او قادین بوجه آی عدت چکدکدن سکرده نفسنه مالک اوله ماز . واقرباسی دخی مداخله ایله ماز ایدی

ثوب القا ایدن ذات دیلرسه مهرسز کندی آلیر دیلرسه غیره نکاح ایدوب مهرینی کندو آلیر و دیلرسه سؤ معاشرت وانواع اذیت ایله بلا زوج بکله دیر ایدی . اوقادین مال اعطاسیله آنک رضاسنی تحصیل ایدرسه نفسنه مالک اولور یوقسه اوحال اوزره قالب بعدالوفات میراثی اوزاتک اولور ایدی .

قوجه سی وفات ایدن قادین ثوب القا اولنمقسزین اهلنه یتشورسه اسکی لباس کینوب قولبه کبی اوفق بر اوطهده بر سنه کچنجیه قدر طرفناغنی کسمیه رک شهرینی ازاله ایتیه رک صو استعمال ایتیه رک اکلشوب سنه ختامنده اقبیح هیئتنده خروج ایدر ایدی . مرکب . یاقیون . یا برقوش کبی بر حیوان ایله یا خود اوحیوانک بر عضوینی قیروب آنکله فرجنی مس ایدوب بر بهره یعنی دوه قینی آلوب اوک طرفنه یا ارقه طرفنه آتمقله عدندن چیقار ایدی . یا خود سنه مرورندن صکره اولدینی محله بر کوپک کچنجیه دک ینه بکلیوب کوپک مرورنده بر بهره آتوب عدندن چیقاردی .

بخاری شریف شارحی عینی نک بیاننه کوره . اوحیوانک بر عضوینی کسر وفصل ایله بولندینی حالدن انفصاله . و بهره بی رمی ایله برسنه اوحالده رزالته اکلشمسی بهره کبی شیء صغیر و قلیل اولدیغنه ایما ایله کویا حق زوجیتی تعظیمه دلالت قصد ایدردی . تعالی و تقدس استعذباله (یا ایها الذین آمنوا لایحل لکم ان ترثوا النساء کرها) آیت کریمه سیله عادت اولی لرندن یعنی کرها زوجیه مالکیتدن منع بیوردینی کبی استعذباله (والذین یتوفون منکم ویذرون ازواجاً یتربصن

با نفسی اربعة اشهر و عشره) آیت جلیله سی ایله ده عدتی تخفیف .
 و بدویت جاهلیه بی مدینت اسلامیه به تبدیل بیوردی .

در دنجی فصل مبتدئه نك حیضی

متبدئه یعنی یکی حیض کورن قادینک کوردیکی قان اوچ کوندن
 زیاده اولدقجه حیضدر . اون بش کوندن ناقص اولان طهر فاسد
 قان حکمنده اولدینی بالاده بیان ایدلدی مثلا بر متبدئه بر ساعت قان
 کورسه صکره اون درت کون کسلسه بعده بر ساعت قان کلسه اون کونی
 حیضدر . اون کون تمامنده او قادین غسل ایدر حقیقه قان یوق ایسه ده طهر
 فاسد ایکی قان آره سی فاصل اوله مدیغندن دوام ایتمش حکمنده اولور . اون
 کوندن زیاده حیض اوله میه جغندن اون کونی حیض فضلسه سی استحاضه اعتبار
 ایدیلور .

کذلک اوچ کون یا خود بش کون حیض کوروب قان کسلسه اون
 بش کوندن مقدم بنه قان کلسه او قادینک حیضی اون کون اعتبار اولور . او یله
 ایسه متبدئه قادینک قانی اون کوندن اول کسلسه کسلدیکی وقت غسل
 ایتمسی لازمدر . بعده اون کون تمام اولدقده دخی هر نه قدر قان
 یوغیسه ده غسل ایتملی . چونکه آره سی اون بش کون آچیلیمسزین
 قان کری کلوبده حیضی اون کون اولق احتمالی وارددر . بو صورتده
 یعنی اون کوندن اول قان کسلوب اون بش کون کچمکسزین بنه قان

کلدیگی کونلر رمضان شریف ایسه قان کسلدکن صکره اون کون
 تمامنه قدر قاچ کون اوروج طوتمش ایسه قضا لازم کلور.
 مثلا مبدئه قادیندن رمضان شریفده یدی کون قان کلوب بعده قان کسلسه و اون
 درت کون صکره ینه قان کسلسه او اون درت کونک اوچ اولگی
 کونلری حیض زماننه التحاق ایدوب حیضی اون کون اعتبار اولور.
 او قادین قان کسلدکده غسل ایدوب صوم و صلاتی ادا ایتمش ایدی.
 شمعی اون کون اوروج قضا ایدر یعنی طهر فاسد زماننده طوتمشی
 اوچکون اوروجی دخی قضا ایدر. اما رمضانک غیر یسنده نافله طوتمش
 ایسه قضا لارم کلز چونکه صومه شروع ایتمش صایلماز.
 اما اوچ کوندن اقل اولماق اوزره قان کورسه بعده اون بش
 کون کسلسه او قان کوردیکی کونلر کندوسنه عادت اعتبار ایدیلور.
 مثلا مبدئه بر قادین بش کون قان کورمش اون بش کون کسلمش
 او قادینک حیض عادت بش کون اولور. اون کوندن فضله قان دوام
 ایتسه بیله حیضی اون کون اولدینی یوقاریدن آ کلاشلمشدر. مثلا
 مبدئه دن قان کلوب اون بش کون دوام ایتسه بیله اون کونی حیض
 بش کونی استعاضه اولور اون کون تمامنده غسل ایدر

بشنجی فصل مبتدئہ نك طہارتی و صوم و صلاتی

و احکام سائرہ سی

قان اون کون تمامندہ انقطاع ایدر ایسہ او قادی نك طہارتیہ حکم اولنور ہیچ غسل ایتمسہ بیلہ انی وطی ایتمک جائز اولور . فقط غسلدن اول وطی ایتمک مستجبدر . اون کون تمامندہ کسلمسہ دہ کسلمش کبی در انجق مستحاضہ بی وطی ایتمک اولی در اشاعیدہ ذکر اولنور بو صورتہ یعنی اون کون تمامندہ کسلسہ وقت انقطاعدہ مقدار تحریمہ یعنی اللہ دیہ جک قدر وقت وار ایسہ او وقتک نمازینی قضا ایدر . بو قدر وقت بولنمازسہ قضا لازم کلز . رمضان شریفدہ فجر طلوعندن اولجہ قان انقطاع ایدرسہ او کونک صومی لازم و کافیدر . فجر طلوعندہ یا خود صکرہ ہر نہ زمان انقطاع ایدرسہ صائمہ تشبہ ایدر یعنی یماز و ایچماز فقط اوروج صایلماز او کونک قضاسی لازمدر . طلوع فجردن صکرہ قان ظہور ایتمسہ ییر و ایچر صکرہ قضا ایدر صائمہ تشبہ لازم دکلدر . چونکہ محل تہمت دکلدر . .

قان اوچ کونندن اقلدہ انقطاع ایدرسہ بلا غسل وطی و صوم صلاتی جائز اولور . و بو مبتدئہ بشقہ سبیلہ مثلاً حمل ایلہ بالغہ ایسہ قان کلدیکی زماندہ قیلما دینی نمازی و صومی قضا ایدر . چونکہ حیض ثابت اولمامشدر مثلاً حیض کورمامش حامل برقادین ایکی کون قان کورسہ دہ اونبش کون کسلسہ او ایکی کونک نماز و صومی قضا ایدر . اما بشقہ سبیلہ بالغہ دکلسہ قضا لازم کلماز چونکہ ادا واجب اولمدقجہ قضا واجب اولماز .

قان اوچ كوندن زياده اون كوندن اقلده انقطاع ايدرسه غسل
 ابدجك قدر وقت. حبيض زمانندن صاييلور يعني يا غسل ايملى يا غسل
 ايدجك قدر وقت كچرسه طاهره صاييلور كچمزه صايلاز .
 عبرت — ابي خلف ابن ايوب اوغلى تعليم علم ايجون بلخدن
 بغداده كوندروب تحصيلي يولنده اللى بيك درهم صرف ايلش مخدومي
 كلد كده نه او كرنك ديه صورمش . مخدومي . زمان غسل . حبيض ونفاسك
 اكثرنده طهردن اولوب اقلنده حبيض ونفاسدن اولديغنى يعني اكثر
 مدته قان كسلسه . غسلسز وطى جائز اولوب اقل مدته كسلسه جائز
 اولماديغنى او كرندم ديد كده سفرىكى ضايغ قيلمامشك ديمش . . .
 غسله كافى وقتدن صكره مقدار تحريمه يعني الله ديهجك قدر
 وقت قالمزسه او وقتك نمازىنى قضا لازم كلز و سوم كافى اولمز زيرا
 غسل و تحريمه قدر وقت قالمزسه طاهره صاييلماز اوروج ايسه طاهره
 قادينه مخصوصدر . او كون صائمه تشببه ايلر صكره قضا ايدر . رمضان
 كيجه سى طلوع فجردن اولجه قان كسلسه طلوع فجره قدر غسل
 و تحريمه يه كافى زمان وارسه عشا ايله وترى قضا ايدر . و اوروج طوتر .
 بو قدر وقت قالماش ايسه نمازى قضا لازم كلز صائمه تشببه ايدوب
 اوروجى قضا ايدر .

غسل ايمكسزىن يا خود تيم ايدرب نماز قيلمقسزىن يا خود وقت
 نمازى ذمتنده دين اولمقسزىن وطى جائز اولمز يعني بو صورتده كي قان
 اوچ كوندن زياده اون كوندن اقلده انقطاع ايتد كده وطئك جوازنده
 حقيقه غسل ايملى يا خود مثلا صويك فقدانندن ايجون غسلدن

عاجزه ایسه تیمم ایتملی و نمازی قیللملی ساده تیمم کفایت ایتمز یاخود وقت خروج ایدوب نماز ذمتنده دین اولملی. اوله دن صکره طاهره اولسه غسل ایتمزسه یا تیمم ایدوب نماز قیلمازسه وقت. عصرک دخولیه وطی حلال اولور. اوله وقتنک خروجیه صلات ذمتنده دین اولدینندن او قالدین طاهر ایدن صاییلور زیرا صلاتک وجوبیه حیض جمع اوله ماز. کذلک طلوع شمسدن صکره طاهره اولسه غسل ایتمزسه یاخود تیمم ایدوب اوله نمازی قیلمازسه ینه ایکندی نمازی وقتی دخولیه وطی حلال اولور. بیرام و قوشلق نماز لرینک وقتلری چیقماق کفایت ایتمز. کذلک غسل و تحریمه به واسع اولماز درجه طلوع شمسدن اولجه طاهره اولسه غسل یاخود تیمم ایله نماز بولنمازسه ینه وقت عصر داخل اولمقسزین وطی حلال اولماز. طلوع شمسدن غسل و تحریمه به واسع اوله جق قدر اولجه طاهره اولسه طلوع شمس ایله وطی حلال اولور. صلاة فجر ذمتنده تقرر ایدوب قضاسی لازم کلدیکی ایچون کذلک یانسودن اول پاک اولسه غسل و یا تیمم ایله نماز بولنمازسه طلوع فجردن اول وطی حلال اولماز

مبتدئه قالدیندن فان کسدکده وقتک اخرینه قدر نمازی تأخیر ایتمک مستحبدر قان کلزسه قیلر کلورسه قیلماز اوچ کوندن اول کسیلورسه غسل لازم کلز آبدت کافیدر اوچکوندن صکره کسیلورسه غسل لازمدر .

تنبیه

اوچ کوندن اول یاخود اوچکوندن صکره و اونکوندن اول

کسالمش اولوق کسلد کدنمکره طهر صحیح وقوعبولقله معلوم اولور
 انکیچون طهر صحیح وقوعندن اول قان عودت ایتسه طهارت حکمی
 باطل اولور. فقط قان کسلد کده طهر صحیح انقضاسی انتظار ایدلیوب
 طهارت حکمی اجرا ایدیلور. مثلا بر مبتدئه دن اوچ کون قان کلوب
 بعده کسلسه غسل ایدوب احکام طاهرانی اجرا ایدر مدت حیضده
 مثلا اوچکونمکره ولو بردفعه اولسون قان کلسه حکم طهارت باطل
 اولوب انقطاعنده تکرار غسل لازم اولور



التنجی فصل معتاده نك حیضی

معتاده دم صحیح و طهر صحیح. یاخود یالکز دم صحیح. یاخود
 یالکز طهر صحیح کندوسندن سبقت ایدن قادیندر. بر قادین مثلا بش
 کون قان یکرمی بش کون طهر کوروب صکره دم استمرار ایتسه او
 قادین هم حیض هم طهر حقنده معتاده در عادتی اعتبار اولنور. حیض
 و نفاس کورمدک بر قادین چوجق کتورسه قرق کون دم نفاسدن
 صکره اون بش کون طهر کوروب صکره قان استمرار ایتسه طهر
 حقنده او قادین معتاده در اما حیض حقنده معتاده دکادر حیضه نسبتله
 او قادین یالکز طهر سبقت ایدن قادیندر.

بر قادین بش کون قان صکره اون بش کون طهر بعده بر کون قان بعده اون
 بش کون طهر کوروب صکره قان استمرار ایتسه او قادین قان حقنده معتاده در که

حیضی بش کوندر ا. اما طهر حقنہ معتادہ دکلد ر. چونکہ او اون بش کون طهر ایکی دم صحیح آره سزده اولدیغندن طهر صحیح دکلد ر. معتادہ قادین عادتہ موافق قان کورسه امری ظاهر در عادتی اوزره معامله ایدر. مثلا عادتی بش کون حیض کورمک ایمش بو آیده ینه بش کونده قان کسلمش طهارتیه حکم اولنور.

عادتہ مخالف کورسه یا عادتندن زیاده یا عادتندن ناقص اولور عادتندن زیاده اولورسه یا اون کونی کجر یا کچمز اون کونی کچرسه ینه عادتہ ردا اولنور. فضلہ سی استحاضه در. مثلا عادتی بش کون حیض ایمش بو آیده اون بر کون قان کلش بش کوندن زیاده سی استحاضه در. عادتندن ناقص اولورسه یا خود عادتندن زائد اولورده اون کونی کچمزسه زمان حیض صکره کی کوردیکی مدتدن عبارت اولوب عادتی دکیشلمش اولور. فقط بر مدت صکره طهر تام کورمک شرطدر. مثلا عادتی آیک ابتدا سنده بش کون ایمش بو آی التی کون کورمش اندن صکره اون بش کون کسبلمش عادتی التی کون اولور عادتی دکیشیلور چونکہ حیض و طهرده عادت بر دفعه ایله ثابت اولور. و بر دفعه ایله دکیشیلور

اما التی کون قان کلش صکره اون ورت کون کسبلمش بعده بر کون ینه قان کلش ایسه ینه عادتی بش کوندر. او التنجی کون استحاضه در عادت دکیشلمز طهر فاسد دم حکمنده اولدیغندن عادتی اولان بش کونی قان کچمش و اون کوندن زیاده دوام ایتمشدر. بو صورنده اولکی عادتی معتبر اولور.